

Claudii Fleurii Abbatis Historia Ecclesiastica

Ab anno Christi 1400. usque ad annum 1415 - Unacum Dissertatione
Præliminari Ad Historiam Sæculi XV.

Fleury, Claude

August. Vind. [u.a.], 1767

VD18 90118286

§. 70. Iter, & adventus Imperatoris Constantinopolitani in Galliis.

[urn:nbn:de:hbz:466:1-66281](https://nbn-resolving.de/urn:nbn:de:hbz:466:1-66281)

inobedientiæ poenas dederunt; nam priusquam Romana limina salutarent, a militibus Comitis spoliati, alii trucidati, plures nobiles quoque fœminæ stupratæ fuerunt. Eorum, qui Romam venerant, innumeri pestilentia, quæ tum singulis diebus in urbe fere sexcentos homines abripiabant, perierunt.

§. LXX.

Iter, & adventus Imperatoris Constantiopolitani in Gallias.

Monach.
S. Dionys.
l. 20. t. I.

Jam ab anno 1399. Urbs Constantinopolitana a Turcis obsessa cum extremo periculo luctabatur. Pera enim, quæ quasi illius suburbium est, urbemque commeatu juvabat, hostium insultibus vix ultra resistere poterat. Ast Bucicaldus Marefchallus cum ducentorum virorum cohorte in auxilium submissus, suburbium, simulque urbem obsidione liberavit, Turcas repulit, & iterata velitacione profligavit. Cum vero militum

&

& stipendiorum inopia laboraret, unacum Imperatore Emanuele in Gallias rediit, validiores suppeditas postulaturus; relicto interim Constantinopoli Castro-Morando, qui urbem ab hostibus defenderet. Interea Dux Joannes Galeatus Vicecomes Palæologum Mediolanum transeuntem perhonorifice excepit, & in Galliam usque, ubi hoc anno advenit, amplio comitatu deducere jussit. Qui etiam Parisiis magnificentia Cæsaræ Majestatis digna receptus fuit, cumque novum peteret auxilium, ampla spe inaniter lactatus, nihil impetrare potuit, quam annum, quo vitam sustentaret, stipendum; Quippe Regis infirmitas, & mutua Principum dissensio in caufsa fuit, quod majora negarentur subsidia, licet integro biennio in Galliis moratus fuerit. Verum cum ei nuntiatum esset, quod Tamerlanes seu Temir - Lanc Bajazetem ingenti clade affecisset, ac captivum abduxisset, quodque Victor Emanuel ad suas ditiones redire cuperet, Imperator Regi, to-

tique Regiæ Familiæ ob ejus munificentiam , ac recepta obsequia gratias rependens valedixit, suumque inter aggressus est, postquam illum Rex Galliæ, Princeps usque ad vitæ suæ finem liberalis, splendidissimis munib⁹ cumulavit, simulque pro restaurandis suis terris eidem annum subsidium quatuordecim millium solidorum argenteorum destinavit, ac eum ducentorum armatorum comitatu in Græciam dimisit, injuncta eum deducendi Provincia Castro-Morando, qui non ita pridem Constantiopolis redux, Imperatorem, ut reverteretur, vehementer urgebat, fidemque dabat, se illum ad urbem suam incolumem reducturum. Hoc itinere Græcorum Imperator minus suis commodis, melius autem pluribus Europæ provinciis, & præcipue Italie prospexit, nam docti illi viri, qui Imperatorem comitabantur, liberalium artium Græcarum , atque latinarum studium, cultumque ad hasce regiones retulerunt.

*Monach.
Sandionys.
l.22. c. 6.*

§. LXXI.